



Mbuni na Simba walikuwa marafiki sana. Wote wawili walikuwa na watoto wachanga.



Mbuni aliwalisha
watoto wake vizuri.



Watoto wa Simba
hawakupata
chakula cha kutosha.



Simba aliwaangalia vifaranga nakuwaza, "Hawa ni wazuri! Natamani wangukuwa wangu!"



Wakati Mbuni alikuwa hayupo, Simba aliwachukua watoto wa Mbuni akaenda nao nyumbani kwake.



Mbuni alirudi na kupata watoto wa Simba nyumbani kwake. Alilia, "Watoto wangu wako wapi?"



Mbuni alikimbia nyumbani kwa Simba. Aliwapata wanawe wakiwa na Simba.




Simba alikataa kuwarudisha watoto wa Mbuni. Alisema, "Hawa ni wangu sasa. Unaweza kuwachukua watoto wa simba."




Mbuni alikasirika sana. "Nitafanyaje ili niwapate watoto wangu?" Alijiwazia.



Halafu alifikiri,
"Ninajua
nitakachokifanya.
Nitawaita
wanyama wote
kwa mkutano."



Wanyama
walikubali
kukutana.



Tembo aliwauliza
Mbuni na Simba
kuzungumza.



Wanyama wengi
waliogopa
kumlaumu Simba.



Mwishowe, Kuchakuro alisimama na kusema, "Watoto ambao wanafanana na ndege ni wa Mbuni. Watoto ambao wana mikia ni wa Simba jike."



Kuchakuro
alitorokea tunduni.
Wanyama wote
walishangilia.



Simba alikasirika sana. Alienda nyumbani na watoto wake.